

七國考訂補

〔明〕董說原著

繆文遠訂補



〔明〕董說原著
繆文遠訂補

七國考訂補

下

上海古籍出版社

七國考訂補卷四

秦宮室

西垂宮

秦文公元年，居西垂宮，見秦紀。

封宮一作「平封宮」

〔史記秦本紀〕：「武公元年，居平陽封宮。」正義曰：「（封）宮〔名〕，在岐州平陽城內也。」雍錄云：「平陽宮在華山下。」〔秦始皇本紀集解〕徐廣云：「一云，居平封宮。」

大鄭宮

秦紀：「德公元年，初居雍城大鄭宮。」〔正義引〕括地志云：「岐州雍縣南七里故雍城，秦德公大鄭宮城也。」

陽宮

秦別紀：「宣公享國十二年，居陽宮。」

左宮

秦別紀：「夷公不享國，死葬左宮。」

霸宮

〔史記高祖本紀正義引〕三秦（紀）〔記〕云：「霸城，秦穆公築爲（霸）宮，〔因名霸城〕」。

高泉宮

陝西志：「高泉宮在扶風縣東美陽縣故城，秦宣太后嘗居之。」遠案：此見漢書地理志。

甘泉宮

史記「秦始皇本紀」：「齊人茅焦說秦王曰：『秦方以天下爲事，而大王有遷母太后之名，恐諸侯聞之，由此倍秦也。』秦王乃迎太后於雍，而入咸陽，復居甘泉宮。」按陝西有淳化有甘泉宮，中華本校語云：上「有」字疑衍，「宮」字疑係「山」字之誤。秦甘泉宮創其上也。劉歆曰：「秦王政二年，起甘泉宮。」應劭曰：「甘泉，宮名，在雲陽，一名林光。」薛瓚史記注云：「甘泉，山名。林光，秦離宮名。」

「補」史記秦始皇本紀集解徐廣曰：「甘泉宮」，表云咸陽南宮也。」

虢宮

漢志：「虢縣有虢宮，秦宣太后起。」雍錄云：「在歧州虢縣。」遠案：此漢志指漢書地理志。

離宮

史記〔范雎蔡澤傳〕：「范雎見秦王於離宮。」應劭曰：「離本卦體名，秦以名宮。」秦有封宮、離宮。王律曰：「離宮，別宮也。」二說不知孰正？○〔訂〕范雎蔡澤傳正義：「長安故城本秦離宮，在雍長安北十三里也。」又通鑑周紀五赧王四十五年胡三省注亦以離宮爲別宮，則離宮非專名，不當列。

秦川宮

郡國志：「秦川宮者，昔非子封秦，於此築宮室。」

長安宮

〔御覽九百五十八引〕郭氏〔元〕〔玄〕中記云：「秦文公造長安宮，西面四百里，南至終南山。」○〔訂〕孫楷云：「按文公在西垂，未都長安，疑惠文王之誤。」（秦會要訂補）。

芷陽宮

水經注：「襄王芷陽宮在霸上。」○〔訂〕水經渭水注云：「霸水又左合滻水，歷白鹿原東，即霸川之西故芷陽矣，史記秦襄王葬芷陽者是也，謂之霸上。」無芷陽宮之說，疑係董氏誤記。

械陽宮

秦昭王起械陽宮，見鄭志。雍錄云：「械陽宮在岐州扶風。」漢書文帝紀：「二年夏，行幸雍械陽宮。」張晏曰：「秦昭王所作。」遺案：鄭志當係據漢書地理志，下同。

蕢陽宮

三輔黃圖：「蕢陽宮，秦文王所起，在今鄠縣西南二十三里。」一統志云：「蕢陽宮，秦惠文王建，漢時猶存，宣帝嘗幸之。」應劭曰：「蕢音倍。」

羽陽宮

陳倉有羽陽宮，秦武王起，見鄭志。又歐陽公研譜云：「相州真古瓦，朽腐不可用，世俗尚其名爾。今人乃以澄泥如古瓦狀，埋土中，久而研之。然近有長安民獻秦武公羽陽宮瓦，十餘枚，若今人簞瓦然，首有「羽陽千歲萬歲」字，其瓦猶今舊瓦，殊不朽腐。」研北雜志曰：「秦羽陽宮在鳳翔寶雞縣界，歲久不知其處。宋元祐六年正月，直縣門之東百步，居民權氏浚地，得古筒瓦古鐺一，尚完，面徑四寸四分，瓦面隱起四字，曰：「羽陽千歲。」篆字隨勢爲之，不取方正，始知即羽陽舊址也。」

橐泉宮

皇覽云：「秦繆公冢在橐泉宮祈年觀下。」廟記云：「嘉泉宮，秦孝公造；祈年觀，德公造。」漢書注作橐泉宮。遠案：皇覽見三輔黃圖引。又漢書注乃漢書地理志之誤。

興樂宮

三輔故事云：「咸陽宮在渭北，興樂宮在渭南，秦昭王通兩宮之間，作渭橋，長三百八十步。」遠案：此見史記孝文本紀索隱引。

咸陽宮

刺客傳：「秦王朝服，設九賓，見燕使者咸陽宮。」劉向曰：「秦未兼天下，即厚斂起咸陽宮。」

華陽宮

秦史：「秦太子妃曰華陽夫人。華陽，秦太子宮名，在陝西西安府舊長安城內。」太子即秦孝文王柱也。

六英宮

廣記云：「主父入秦，直至昭王所居六英之宮，而人不覺。」

高寢

秦別紀：「康公享國十二年，居雍高寢。共公享國五年，居雍高寢。景公享國四十年，居

雍高寢。」

大寢

秦別紀：「桓公享國二十七年，居雍大寢。」

愛寢

秦別紀：「躁公享國十四年，居愛寢。」○〔訂〕「愛」當作「受」，形近致誤。

冀闕

史記〔秦本紀〕：「孝公十二年，作爲咸陽，築冀闕，徙都之。」〔正義引〕劉伯莊云：「冀猶記事，闕即象魏也。」或曰：「人臣至此，必思其所闕。」三輔黃圖云：「孝公改都咸陽，築冀闕。」其曰闕，必古象魏矣。而何以標明爲「冀」也？按史記：「孝公十一年，衛鞅圍安邑，降之。十二年，作冀闕。」冀者，冀州也。安邑即冀州之邑也。冀之爲州，堯、舜、禹皆嘗都焉。今孝公已得冀州，而築冀闕，其必放古闕存者而創立此名也。○〔訂〕衛鞅取安邑事，史記秦本紀及六

國表俱云在孝公十年，此作十一年，乃董氏誤記。

〔補〕關於闕得名之由，董氏所引或說，見于古今注。陳明達云：「漢、晉時代的人給闕下

的定義，作的解釋，大致可以下列三種說法爲代表。一是晉崔豹古今注說：「闕，觀也。古者每門樹兩觀於其前，所以標表宮門也。其上可居，登之則可遠觀，故謂之觀。人臣將朝，至此則思其所闕多少，故謂之闕。其上皆丹堊，其下皆畫雲氣仙靈、奇禽怪獸，以昭示四方焉。」二是白虎通義：「門必有闕者何？闕者所以飾門，別尊卑也。」三是漢劉熙釋名說：「門闕，天子號令賞罰所由出也。」以上說闕是「所以飾門」，是「標表宮門」，都是與現存石闕或畫像石相符合的。關於「標表宮門」、「飾門」之外，客觀上產生了另一作用。它標誌着宮殿、居室、神祠、墳墓的範圍。「人臣將朝，至此則思其所闕」，其實也就是說至此已進入帝王宮禁之地，所以要必恭必敬的意思。換句話說，它成了一種特殊的界碑。」漢代的石闕，文物一九六一年第十二期。

秦殿

〔史記刺客傳〕荆軻傳：「秦法，羣臣侍殿上者，不得持尺寸之兵。」又燕丹子曰：「荆軻至秦殿上，展圖。荆軻拔匕首擲秦王，決秦王耳，入銅柱，火出。」余又按各國宮室，魏有丹衣柱，

趙晉陽宮銅柱，秦殿銅柱，並見本國宮室。考楚有鐵柱，見列異傳。○〔訂〕秦殿非專名，當刪。

章臺

蘇秦說楚威王曰：「今欲西面而事秦，則諸侯莫不南面而朝於章臺之下矣。」又楚懷王入秦，朝章臺，如藩臣禮。見楚世家。

〔補〕蘇秦語見國策楚一及史記本傳。史記樗里子傳云：「葬於渭南章臺之東。」則章臺在渭南。

三休臺

李善文選〔四子講德論〕注云：「戎王使由余聘秦，秦穆公示以宮室，引之登三休臺。由余曰：「臣國土階三尺，茅茨不剪，寡君猶謂作之者勞，居之者淫。此臺若鬼爲之，則神勞矣；使人爲之，則人亦勞矣。」〇〔訂〕秦穆公見由余事，又載韓子十過篇、呂氏春秋不苟篇、史記秦本紀、韓詩外傳九、說苑反質篇，而皆不云有三休臺也。又此春秋時事，不當列。

祀鷄臺

一統志：「陝西鳳翔府寶鷄縣東二十里有祀鷄臺，秦文公立寶鷄祠，築此臺祀之。」○〔訂〕此春秋時事，且又後起附會之談，當刪。

白起臺

長平城在郡之南，秦壘在城西，二軍共食流水，澗相去五里。秦坑趙衆，收頭顱築臺於壘中，因山爲臺，崔嵬桀起，〔今仍〕號曰白起臺。見上黨記。遠案：上黨記見水經沁水注引。

會盟臺

一統志：「會盟臺在河南河南府澠池縣西城外，秦昭王與趙惠王會盟於此臺。」

靈臺

列女傳〔卷二〕：「秦〔興兵與晉戰〕，獲晉君以歸。穆姬聞之，乃與太子瑗、公子〔宏〕〔弘〕與

簡璧，穆姬女也。衰經履薪以迎。公懼，乃舍諸靈臺。左傳（僖公十五年）同。杜預曰：「靈臺在京兆鄠縣，周之故臺。」史記作舍之上舍。○（訂）據史記秦本紀，穆公舍晉君于上舍，非舍穆姬于上舍也。董氏語意不明。又此乃春秋時事，祇可存參。

鳳臺

劉向列仙傳：「蕭史者，秦穆公時人也，善吹簫，作鸞鳳之樂。秦穆公有女，字弄玉，好之，公遂以（女）妻焉。日教弄玉作鳳鳴，後數年，吹簫似鳳聲，鳳凰來止其舍，公爲作鳳臺。」
一統志作鳳女臺。遠案：此所引列仙傳見初學記二十四。○（訂）四庫提要謂列仙傳爲魏晉方士所爲，託名于劉向。余嘉錫四庫提要辨證亦謂其書多里巷傳聞之詞，不足信。

祈年觀 一作「祈年宮」

詳橐泉宮。水經（渭水）注曰：「（雍縣中年井）案：吳興叢書本此下有校語云：「水經注無此句，當有誤。」」渭水又東逕雍縣南，雍水注之。水出雍山，東南流，歷中牟溪，世謂之中牟水。亦曰冰井水。南流逕胡城東，俗名也。蓋秦惠公之故居，所謂「祈年宮」也。孝公又謂之（爲）「橐泉宮」。名雖兩

出，其實一宮也。酈又按地理志，知其地皆屬雍縣。又引崔駰之言曰：「穆公冢在橐泉宮，祈年觀下。」又從而辨正其得失曰：「劉向（圖言）曰：「穆公葬無邱壟處（矣）（也）。惠公、孝公並是穆公（之後），繼世之（君矣），子孫無由起宮於祖宗之墳陵（也）（矣）。以是推之，知二證之非實也。」按酈此言，則是祈年宮、橐泉宮皆在惠公、雍都，而亦不知何人所建。獨漢書（地理志）曰：「祈年宮，惠公所起也。」三輔黃圖作「祈年宮」，且曰「秦穆公所造」。廟記：「宮在城外。」而始皇本紀則曰「在雍」。皆以世遠難究其的也。

廣成舍

史記（廉頗藺相如列傳）：「藺相如奉璧西（如）（入）秦，秦王舍相如於廣成（傳）舍。」索隱：「廣成，（是傳）舍之名。」

張儀樓

杜甫石犀行：「蜀人矜誇一千歲，泛濫不及張儀樓。」成都記云：「張儀樓在于城外，高百尺。」蜀紀云：「張儀既築龜城，作樓高百尺，定江山南北之勢。」遠案：「于城」，中華本校語謂當作「子」。

城」，說云：「成都城謂之子城，見嘉慶一統志引舊志。」

觀樓 射圃

華陽國志〔三〕：「秦惠王二十七年，張儀與張若城成都，周迴十二里，高七丈。郫城周迴七里，高六丈。臨邛城周迴六里，高五丈。造作下倉，上皆有屋而置觀樓、射圃。成都縣本治赤里街，若徙置少城內城，營廣府舍，置鹽鐵市官並長丞，修整里閭，市張列肆，與咸陽同制。」〔補〕任乃強華陽國志校注稿云：「觀樓」，劉本作「樓觀」，城門上重屋，一作「樓櫓」，蓋爲戰守望敵之用。「射圃」，廖本作「射蘭」，樓上欄干可憑以射敵者。」

具園

左傳〔僖公三十三年〕云：「鄭之有原圃，猶秦之有具園也。」○〔訂〕此屬春秋時事，可存參。

五苑

韓子〔外儲說右下〕：「秦大饑，應侯請發五苑〔之草著、蔬菜、橡、果、棗、〔栗〕以活民。〕按史記〔秦本紀〕：「孝文王元年，赦罪人，修先王功臣，褒厚親戚，弛苑囿。」

上林

應劭曰：「嬴秦未并天下，章臺、上林皆在渭南。」上林，秦苑名也。

獸圈

三輔黃圖：「秦有獸圈。」〔烈〕〔列〕士傳云：「秦王召魏公子無忌，不行，使朱亥奉璧一雙詣秦。秦王怒，使置亥於獸圈中。」遠案：列士傳亦見三輔黃圖引，原引誤作「烈士傳」。

永巷

史記〔范雎蔡澤列傳〕：「范雎得見於離宮，佯爲不知永巷而入其中。」正義曰：「永巷，宮中獄也。」

〔補〕通鑑周紀五赧王四十五年胡注：「如淳曰：周宣王姜后脫簪珥待罪永巷，後改爲掖